

phimolakeledi le go neela batswasetlhabelo tšhono ya go tlhagisa se se mo mafatlheng.

- Go tswela ditlhophha tsa bosiamisi jwa bosenyi mosola**  
Bo thusa go fokotsa tshalelo morago ya dikgetse le go thibela ditshenyegelo tse di seng botlhokwa le tiego mo tsamaisong ya bosiamisi jwa bosenyi. Go tlala ga batho mo dikgolegolong le ditshenyegelo tsa moduela-lekgetho di ka tswelala go fokodiwa.
- Go tswelletsa go nna le seabe ga setšhaba mo tsamaisong ya tharabololo ya kganetsano**  
Go akaretsa le go tsaya karolo ga baagi mo ditsamaisong tsa Bosiamisi jwa Pusetsoaamong go maatlafatsa le go oketsa temokerasi ya rona.

## USEFUL CONTACTS DOJ & CD Contact details:

### National Office

Mrs C Kok  
Tel: (012) 315 1259  
Email: ckok@justice.gov.za  
Adv J.V Mbamali  
Tel: (012) 315 1458  
Email: VMbamali@justice.gov.za

### Regional offices (Legal Services Directors)

Ms P Moodley (KwaZulu-Natal)  
Tel: (031) 301 5303  
Email: pmoodley@justice.gov.za

Mr P Mthimunye (Mpumalanga)  
Tel: (013) 753 9333  
Email: PMthimunye@justice.gov.za

Mr D.B Ramolibe (Free State)  
Tel: (051) 407 1800  
Email: dramolibe@justice.gov.za

Ms D.E Mongoato (Eastern Cape)  
Tel: (043) 702 7108  
Email: dmngoato@justice.gov.za

Mr S Ramasodi (Gauteng)  
Tel: (011) 223 7681  
Email: SRamasodi@justice.gov.za

Mr M Sebetso (Limpopo)  
Tel: (015) 297 5562  
Email: msebetso@justice.gov.za

Adv D Plaatjies (Northern Cape)  
Tel: (053) 839 0052  
Email: dplaatjies@justice.gov.za

Ms D Kassan (Western Cape)  
Tel: (021) 462 5470  
Email: DKassan@justice.gov.za

Ms R Tladi (North West)  
Tel: (018) 389 8305  
Email: rtladi@justice.gov.za

## Letlhare la Dintlha

## BOSIAMISI JWA PUSETSOMAEMONG

## LEMORAGO

Mo tsibogelong ya dikgwetlho tse tsamaiso ya bosiamisi jwa bosenyi e lebaganeng natso le go fetolwa ga tsamaiso ya bosiamisi ka nako e le nngwe, Setlhophu sa Thibelo ya Bosenyi ya Bosiamisi le Tshireletso (JCPS) se amogetse mokgwa wa Bosiamisi jwa Pusetsoemaemong ka ntlha ya mabaka a a rileng a a akaretsang ntlha ya gore Bosiamisi jwa Pusetsoemaemong bo kaelwa ke ditsibogelo tsa senaga le tsa tlwaelo tsa bosenyi, le gore bo raya ditsamaiso tsa mo teng le kwa ntle ga tsamaiso ya bosiamisi jwa bosenyi, go akaretsa “mekgwa e e seng ya puso ya taelo le bosiamisi”.

Go na le go tshwana fa gare ga bosiamisi jwa pusetsoemaemong le bosiamisi jaaka bo dirisiwa ke Maaporika ka dikgotlatshekelo tsa baagi le tsa tlwaelo tse le tsona di tlhagisang mo mafelong a ditoropo mo diforamong tse di jaaka dikomiti tsa mmila le dikgotlatshekelo tsa batho. Tsamaiso ya ga jaana ya kotlhao ke go re tsamaiso ya go otlhabela batho bosenyi e kete e na le katlego e e lekanyeditsweng fela, ka ga jalo go na le tlhokego ya mokgwa o o farologaneng le tsibogo e e farologaneng.

## KE ENG BOSIAMISI JWA PUSETSOMAEMONG?

Bosiamisi jwa Pusetsoemaemong ke mokgwa wa bosiamisi o o ikaelelang go akaretsa batho ba ba maleba mo kganetsanong le ba bangwe ba ba amilweng ke tshenyoo (batswasetlhabelo, batlolamolao, balelapa le maloko a baagi) ka go supa mmogo ditshenyo, ditlhokego le ditlamago ka go amogela maikarabelo, go dira pusetso, le go tlhokomela go thibela go tlhagelela gape ga tiragalo le go oketsa poelano.

Bosiamisi jwa Pusetsoemaemong bo bona bosenyi jaaka tiro e e kgatlhanong le motswasetlhabelo mme bo faposeisa tsepamiso mo go baakanyeng tshenyoo e e dirilweng

kgatlhanong le motswasetlhabelo le baagi. Bo dumela gore motlolamolao le ena o tlhoka thuso le go batla go supa gore ke ditlhokego dife tsa go fetola go tlola molao gape.

## KE ENG MESOLA LE MELAWANA YA BOSIAMISI JWA PUSETSOMAEMONG?

1. Ditsamaiso tsa Bosiamisi jwa Pusetsoemaemong di tshwanetse go obamela molao, melawana ya ditshwanelo tsa botho le ditshwanelo tse di tlhagisitsweng mo Molaotheong wa Aforika Borwa.
2. Bosiamisi jwa Pusetsoemaemong bo tshwanetse go godisa seriti sa batswasetlhabelo le batlolamolao, le go netefatsa gore ga go na phekeetso kgotsa kgethololo.
3. Batho botlhe ba ba maleba ba tshwanetse go tlamelwa ka tshedimosetso e e feletseng malebana le lebaka la tsamaiso, ditshwanelo tsa bona mo tsamaisong le dipelo tse di ka nnang teng tsa tsamaiso.
4. Batho ba ba maleba ba tshwanetse go tlhaloganya sentle gore ba ka nna ba gogelwa morago mo tsamaisong ka nako nngwe le nngwe.
5. Batho ba ba maleba ba tshwanetse go neelwa selekano se se utlwalang sa nako go akanya ka maikutlo a bona, fa go tshitshingwa tlhopho ya bosiamisi jwa pusetsoemaemong.
6. Go romelwa ga ditsamaiso tsa Bosiamisi jwa Pusetsoemaemong go a kgonega ka nako nngwe le nngwe ya tsamaiso ya bosiamisi jwa bosenyi, ka kgatelelo e e rileng mo phaposong ya pele ga tsheko, ipobolo le ditumelano tsa kotlhao, ditsamaiso tsa pele ga katlholo, jaaka karolo ya kotlhao, le karolo ya tsamaiso ya paakanyo, go akaretsa parole.
7. Go tsaya karolo mo ditsamaisong tsa bosiamisi jwa Pusetsoemaemong bo tshwanetse go nna jwa boithaopi mo bathong botlhe ba ba maleba, go akaretsa le motswasetlhabelo.

8. Batswasetlhabelo le batlolamolao ba tshwanetse go letlelelwa go tla le batho ba ba ba tshegetsang mo kopaneng fa e le gore se ga se tshosetse ditshwanelo le pabalesego ya motho yo mongwe yo o maleba.

## BO KA DIRISIWA LENG?

Bosiamisi jwa Pusetsoemaemong bo ka dirisiwa mo dikgatong tse di latelang tsa tsamaiso ya bosiamisi jwa bosenyi jaaka:-

1. Pele ga tatofatso (pele go tsenngwa tatofatso).
2. Pele ga tsheko (morago ga go tsenngwa tatofatso le pele ga molatofadiwa a tlhagelela kwa Kgotlatshekelo).
3. Morago ga tatofatso (morago ga tatofatso, fela pele ga ipobolo kwa kgotlatshekelong).
4. Morago ga ponomolato, fela pele ga katlholo.
5. Morago ga katlholo (ka mabaka a parole le paakanyo).

## KE ENG MESOLA YA MOKGWA WA PUSETSOMAEMONG MO BOSIAMISING?

- **Go thibela go tlola molao gape**  
Patlisiso e kaya gore batlolamolao ba ba itemogelang ditsenogare tsa bosiamisi jwa pusetsoemaemong ba na le kgonagalo e e kwa tlase thata ya go dira gape ditlolomolao go ya pele go na le batlolamolao ba ba tshwanang ba ba itemogetseng ditsenogare tsa tlwaelo.
- **Go maatlafatsa batswasetlhabelo**  
Ditsamaiso tsa Bosiamisi jwa pusetsoemaemong di ka nolofatsa phitlhelelo ya bosiamisi go batswasetlhabelo le go ba tlamela ka maitemogelo a a ba maatlafatsang. Ga bo tseye nako e telele e bile bo tlhathlwatlhase. Bo na le kgonagalo e e kwa godimo thata ya pusetso,